

अभियान चलाया। सुरक्षाबलें दे जवान जियां गै संदिग्ध थाहरे कश पुज्जे- तां उत्थे इक कच्चे कुल्ले अंदर छप्पे दे आतंकवादियें उन्दे पर फायर खोली दिता- जेहदे मगरा उत्थे टाकरा छिड़ी पेया। अपनी कार्रवाई गी तेज करदे होई सुरक्षाबलें त्रौनें आतंकवादियें गी मारी मुकाया। टाकरे आली थाहरै थमां सुरक्षाबलें गोला-बरुद दे कन्नै 2 ए.के-47 रफलां बी बरामद कीतियां न। इलाके दी घेराबंदी करी रक्खी गेदी ऐ ते सुरक्षाबलें दे तुपाई अभियान जारी न।

<><><><><><>

Brave Tyson

दलेरी दी इक मिसाल पेश करदे होई 2 पैरा Special Forces दे फौजी कुत्ते Tyson नै किश्तवाड़ जिले दे छातरु इलाके च सब्भनें शा पैहले आतंकवादियें दी मजूदगी दा पता लाया हा। जर्मन शैपर्ड नस्ल दे Tyson नै सब्भनें शा पैहले उस ढोक पर हमला कीता जित्थे आतंकवादी छप्पे दे हे। जवानें कोला बी अग्गे चला करदे Tyson गी लतै च गोली लग्गी पर एहदे बावजूद ओह उत्थे डटे दा रेहा ते ओदी बदौलत गै बलें गी आतंकवादियें दे छप्पने आले ठिकाने बारे पता लग्गा। Tyson दा इलाज चला करदा ऐ ते ओदी हालत स्थिर ऐ।

<><><><><><>

LeT Module Busted (Byte)

देशें दे 3 राज्यें च चलाए गेदे इक बड्डे आतंकवाद-रोधी अभियान दे तैहत दिल्ली पुलसै- लश्करे तैयबा आतंकवादी गुट लेई कम्म करने आले इक गिरोह दा भंडाफोड़ कीता ऐ। हासल जानकारी मूजब- इस गिरोह च भारत च गैर-कनूनी तौर पर दाखल होए दे 7 बंगलादेशियें सनें कुल 8

लोक हे जिनें जाली शिनाख्ती दस्तावेज बी हासल करी लैते दे हे। पच्छम बंगाल दे तमिनाडू च पूरे तालमेल कन्ने मारे गेदे छापे दरान इनें सब्भनें गी गिरफ्तार कीता गया ऐ। पुलसै मूजब इस गिरोह दा आका- जम्मू-कश्मीर थमां लश्करे-तैयबा दा इक सिखलाई हासल आतंकवादी शब्बीर अहमद लोन उर्फ राजा उर्फ कश्मीरी ऐ-जिसी थेहारें ते गोला-बरुद दी बरामदी कन्ने जुड़े दे इक मामले च दिल्ली पुलसै दे विशेष सैल नै 2007 च गिरफ्तार कीता हा। मीडिया गी इस सरबंथे च जानकारी दिंदे होई दिल्ली पुलस दे वशेश सैल दे अडिशनल कमिशनर प्रमोद कुमार कुशवाह होरें आखेया

<><><><><><>

Rana –Devp Works

जल शक्ति विभाग दे मंत्री जावेद अहमद राणा होरें मेंढर च लोक निर्माण विभाग आसेया तोढ़ चाढ़े जा'रदे विकास कम्में च हासल प्रगति दा आंकलन करने लेई कल वर्चुएल ढंग्गै नै लाई गेदी इक बैठक दी प्रधानता कीती। इस मौके पर मंत्री होरें SASCI तैहत तोढ़ चाढ़ी जा'रदी परियोजनाएं- EMRS ढांचे कन्ने सरबंथत कम्में- प्रदेश केपैक्स बजट तैहत बक्ख-बक्ख सिड़क परियोजनाएं- नाबार्ड दे कम्में ते मेंढर कस्बे च गंदे पानी दी निकासी आली प्रणाली दे जारी कम्में दा जायजा लैता। उनें सरबंथत अधिकारियें पर जोर पाया जे ओह गुणवत्ता सरबंथी मानक बनाई रक्खन- तय समें-सीमा दे अंदर कम्में गी तोढ़ चाढ़न ते रुकावटें गी दूर करन- तांजे लोके दियें चैंताएं दा असरदार ढंग्गै नै नबेड़ा कीता जाई सकै।

<><><><><><>

DHS –Rajouri Visit

सेहत सेवा मैहकमे दे जम्मू निदेशक डाक्टर अब्दुल हमीद ज़रगर होरें राजौरी जिले दा दौरा कीता ते उत्थे सेहत संस्थानें दे कम्मकाज ते लोकें गी थहोने आली सेहत सेवाएं दा जायजा लैता। दौरे दौरान दरहाल ब्लाक दे थानामंडी आले सामुदायिक सेहत केन्द्र च इक बैठक बी कीती गई- जेदे च मैडिकल अफसर- ब्लाक प्रबंधन युनिट- जिले दे रिसोर्स पर्सन- बी.ए.सी.- एम.एल.एच.पी. ते नोडल अफसर शामिल हे। मीटिंग दौरान राष्ट्रीय सेहत प्रोग्राम- मूल ढांचे दे निर्माण- जरूरी दवाइयें दी उपलब्धता ते रिकार्ड दस्तावेजें दे रक्ख-रखाव बारे चर्चा कीती गई।



CS-ECCE

मुख्य सचिव अटल डुल्लु होरें बच्चें दी मुंडली सांभ-संभाल ते शिक्षा गितें समाज कल्याण मैहकमे आसेया प्रस्तावित सुधारें दा जायजा लैने लेई सब्भै मुतलका धड़ें दी इक बैठक कीती। उनें पूरे जम्मू-कश्मीर च आंगनवाड़ी केन्द्रें गी बच्चें दे समग्र विकास दा केन्द्र बनाने दे इक समेबद्ध ते परिणाम देने आले दृष्टिकोण उप्पर जोर पाया। राष्ट्रीय शिक्षा नीति ते विकसित भारत दे दृष्टिकोण गी अगगे लेई जाने लेई बच्चें दे मुंडले विकास दी भूमिका बारे गल्ल करदे होई मुख्य सचिव होरें आखेया जे कोई बी मुख्य अपने बच्चें दे समग्र विकास निवेश कीते बिजन निरंतर विकास हासल नैई करी सकदा।



CBC Udhampur

जागर्ते दे सरकारी डिग्री कालेज उधमपुर च 23 थमां 27 फरवरी बश्कार आयोजित होने आली मल्टी-मीडिया प्रदर्शनी दे सिलसिले च सूचना दे प्रसारण मैहकमे च CBC केन्द्र च फिल्ड मैहकमा उधमपुर नै अपने प्रचार-प्रसार प्रोग्राम दे दूए ध्याड़े गुज्जर ते बक्करवाल होस्टल च इक समारोह आयोजित कीता। इस समारोह च होस्टल दे बच्चें, अमले ते होरनें लोकें हिस्सा लैता, जेदे च भारत सरकार दे विकास प्रोग्रामें ते प्रमुख पैहलकदमियें बारे दस्सेया-दसाया गया।

<><><><><><>

DC Doda Motorable Road

डोडा दे डिप्टी कमीशनर हरविंदर सिंह होरें जिला कैपैक्स योजना दे पैहले गेड़ तैहत नेहरु चौक थमां लेइयै डाक्टर बशीर अहमद मिंटु हुंदे घरै धोड़ी गड़डियें दे लंघने जोग रस्ते दा कल उदघाटन कीता। PWD (R&B) दे डोडा डिविजन आसेया तोढ़ चाढ़ी जा'रदी इस परियोजना दी अंदाजन लागत कोई 30 लक्ख रपे ऐ ते एहदा मकसद मकामी ढांचे गी तगड़ा बनाना ते इलाके दे बसनीकें गी बेहतर सम्पर्क सुविधा उपलब्ध करोआना ऐ। अपने दौरे दरान डिप्टी कमीशनर होरें बुजुर्गे ते मकामी बसनीकें कन्नै गल्लबात करियै उन्दियें परेशानियें गी बी सुनेया।

<><><><><><>

KIWG

गुलमर्ग दे विश्व प्रसिद्ध स्की रिजॉर्ट गुलमर्ग अज्जै थमां खेलो इंडिया विंटर गेम्स दे 6में संस्करण दी मेजबानी गितै पूरी चाली तयार न- जेदे च मुख्य भरै थमां कोई 3 सौ खडारी एहलकार ते सैलानी शामिल होगंन। इनें राष्ट्रीय खेड्डें दा दूआ चरण अज्जै थमां 4 दिनें तोड़ी यानि 26 फरवरी तगर आयोजित कीता जाग। इनें खेड्डें दा पैहला चरण 20 थमां 26 जनवरी बश्कार लद्दाख च आयोजित कीता गया हा। उपराज्यपाल मनोज सिन्हा होर इनें खेड्डें दा विधिवत तौरा पर उदघाटन करने लेई जंदी संजा गुलमर्ग पुज्जी गे न- जदकि मुखमंत्री उमर अब्दुल्ला होर अज्ज बड्डलै उदघाटनी समारोह च पुज्गंन। कल गुलमर्ग च पुज्जे खेड्ड मंत्री सतीश शर्मा होरें आखेया

खेड्डें लेई कीते गेदे बंदोबंस्ते बारे गल्ल करदे होई जम्मू-कश्मीर खेड्ड कौंसल दी सचिव नुसहत गुल होरें आखेया



Food Safety Ramban (Byte)

रामबन च खाद्य सुरक्षा विभाग नै रमजान दे पवित्र महीने दौरान खाने-पीने आली चीजें दी गुणवत्ता- स्वच्छता ते उपलब्धता गी यकीनी बनाने लेई खाद्य सुरक्षा उपाएं च तेजी लेई औंटी ऐ। इनें दिनें खाद्य सुरक्षा- पुलस- राजस्व ते लीगल मेट्रोलोजी मैहकमे दी इक सांझा टीम नै बजारें च खाने-पीने आली चीजें दा निरिक्षण कीता। निरिक्षण दौरान खाने-पीने आली चीजें खास करियै चिकन मटन- दुध आले उत्पाद- फल सब्जियां ते मिठाइयें दी गुणवत्ता उप्पर मुख

ध्यान दिता गया। अधिकारियें दुकानदारें गी खाने-पीने आली चीजें च मिलावट करने पर जुर्माना ते कनूनी कारवाई कीते जाने दी गल्ल आक्खी ऐ।

<><><><><><>